

Med. Aeg.
gypt. c. 6.

2. Apho.
ris. 23.

Libr. 2.
Quest.

An quicquid
vitæ longi-
tudinæ
deroget an-
timonium.

dino interloquente ait, quosdam Stibio præparato, antiquas hepatis lienisque obstructions, quæ alijs persanari non poterant, funditus deleuisse. Eum in finem scilicet, Veratrum album ab Hippocrate non fuisse neglectum: cuius permissu, ad animi quoque defectum, exterminanda sint ea, quæ ducere expediat. Nimirum, vel hanc saltem ob causam, Andreas Chioccus, Veronensis medicus & philosophus, Stibium non auersatur.

Ast iam si paullo attentius rectæ rationis bilance expenderimus, quantumvis initio vires, morbofo conflictu liberatæ, momento reficiantur, sitne tamè breuioris vitæ ingratus nimium proxeneta Stibium: comperiemus, inuentum heic eorū se prodere, quos humani affectus ultra equitatis limites oppidò quàm longissimè extulerint. Ut maximè enim huius persuasæ opinionis plures sunt assertores: at saltem laboriosius eam ob causam id conficient, quò magis deprehendentur ipsi rei naturæ aduersari. Etenim si mortem accelerat Antimonium, vel eo ipso momento hoc aget, quo intra

COR-